

桐城縣志

中國之人心

乾隆平縣志
光緒應山縣志
桐城縣志

中國地方志集成

河北府縣志輯 ⑥⑧

民
國
任
縣
志

光
緒
唐
山
縣
志

乾
隆
隆
平
縣
志

上海書店 ● 巴蜀書社 ● 江蘇古籍出版社

重修隆平志序

上海中華書局
藏

古者輶軒鷺羽總知四方治
忽以詒於王朝而頒之政事
典冊明文披簡如在一方之
吏治民情山川土田古今興
廢之故一展卷而燦若列眉
皆於志乎取之隆平舊志創
自前明崇禎年間至今百有

隆平縣志 序

餘年朽蠹之餘傳聞異詞幾
不可考余受事之初不遑將
事越三年奉檄開渠求所為
蓄洩之方旱潦之備按冊以
求而端緒茫不可得乃遍歷
高下原濕周覽地勢博觀輿
情略得其大槩連歲來五穀
時熟民氣以和乃謀之學博

李君性香王君荆庵偕邑之
紳士相與經紀其事章程粗
具將次就役維時 制府方
公奉

天子詔偕 官保阿公 少宰裘

公查勘河道會同 監司揆

公 郡伯鄭公 司馬宋公

刺史金公周行郡縣駐節

隆平縣志 序

二

隆邑爰命 文煥 取志書以進
見殘編斷簡漫漶不可考因
令亟加修輯以存掌故是歲
冬乃徵集諸書悉心編校分
別十門比事屬詞次第成帙
閱數月而書成凡疆域之廣
衰財賦之盈虛戶口之登耗
禮樂制度之修廢文章節義

之盛衰搜訪補葺務初犁然
畢具而又惧其華而不寔質
而鮮當也詳慎以紀事博採
以徵寔俾百十餘年之文物
典章於茲稍備藉以仰承
德意而謏劣不文多所挂漏以
繼先民著作則不能無憾焉
他日觀風問俗輶軒所至式

隆平縣志 序

三

採而擇之則區、補綴亦官
斯土者報政之一端也是為
序

乾隆二十九年甲申歲仲秋之

上浣穀旦

特授文林郎知隆平縣事加一

級紀錄六次又記功二次崇

仁表文渙書

重修隆平縣志後序

隆平為禹貢大陸澤故地無名山
巨鎮四望皆平疇大野是以得名
我

國朝雍正二年乃更隸為趙州屬邑
夫邑必有志山川風土文物典章
其間興廢沿革之故胥於是乎在
舊志創於前明萬歷年間至崇禎

隆平縣志

序

一

二年邑令陳公所學曾續修之自
是以來書缺有間而採風問俗幾
無所藉亦官斯土者之責也余從
兄約軒自己卯冬來蒞茲邑披閱
故志見遺編斷簡引為已憂而縣
治又介於任邑寧晉南北二洎之
間為衆流所委注比年水潦偏灾
勞不得息蓋有志焉而未逮也癸

未秋始捐貲倡修邑之縉紳士庶咸樂從之遂延鄉孝廉同年江君樹田董其事經始於癸未之冬告成於甲申之秋維時余以假省歸里路過隆平吾兄出其志稿一帙屬以一言為殿余展讀再三其發凡起例倣古陸清獻公靈壽志分列十門每門冠以小引間增論說

隆平縣志

序

二

畧其所不可知詳其所可知計自前明至今中間歷年一百三十有五更邑宰者三十四人而廢修墜舉考獻稽文一時信史之傳得於吾兄之手訂者為不鮮矣蓋自吾兄令隆五載以來修舉義學開濬溝渠崇實黜浮譬畫利弊凡所以為士習民生計者靡不慮忝厥職

為兢兢則邑人士所共見聞邑乘之修特為政之一端也於是乎書

時

乾隆二十九年歲在甲申秋九月之吉

勅授文林郎內閣撰文中書舍人兼管內府中書科事務加一級袁文節拜撰并書

隆平縣志

序

三

縣志舊敘 崇禎二年

邑令 陳所學 太湖

粵稽書敘九丘詩陳列國猶今所稱郡邑志也當
時太史采之以正得失昭勸懲而一代之史畢
然畢具蓋分之為志合之為史則邑志之必不可
廢從來遠矣隆志自神廟戊子令君林纂輯後至
今四十餘年時遠事湮若滅若沒幾不可復識緝
紳父老及諸文學憂之造余言曰今聖人御宇世
運聿昌廢脩墜舉功令煌煌曾是邑乘鉅典而不
為釐正可乎况夫時際休明文獻缺畧甚非所以
承昌運昭往憲來也維子大夫圖之予曰唯唯否

隆平縣志

卷之

首源序

一

否夫史人職史事耳頃主上聖神宗核名實簿書
小吏方惴惴救過不給何暇論繩墨之外雖然余
實有責焉夫余既承乏茲土而名公巨卿之勲猷
不著孝友嫻睦之善行不傳政事之得失風俗之
醇澆與戶口財賦之繁耗不備是余罪也諸君子
生長於斯曷出所記憶筆之毋泛毋畧毋徇所請
毋睚所私共偕大道以光昭鉅典俾余藉手裏事
得效尺寸於史事外乎則所厚望於諸君子者時
諸文學趙生煜等毅然任之各筆所記憶請校余
三讓不敏不可得於是乃踵前志續葺之凡兩越

月而書成昔荀仲豫稱志有五義缺一不可余何
敢望惟是詮次舊聞羅列往事以毋致愆忘異日
者天子為國家圖不朽令太史采風問俗而博求
故實庶一邑之文獻為有徵耳先是司寇郎趙公
奉命恤陝歸里中言之甚悉頃從都中為敘弁諸
首矣事竣聊識其顛末若此

隆平縣志

卷之

首源序

二

縣志原敘 崇禎二年

主事 趙炯 邑人

夫縣之有志亦猶夫國之有乘也國無乘則一代之因革山川之流峙人文之盛衰風俗之美惡與夫忠臣孝子義夫節婦迨水旱盜賊之變茫無所考是以先王採風問俗集郡邑志彙成一代之史一披帙而瞭然於天下者良有以也余邑雖彈丸地然在漢封拜則有任侯教五代東鈞則有符氏父子兄弟而鄭君贊道王君贊各以名才樹勳本朝英豪輩出地且以人重矣至宋元兵火殘之黎元幾盡迨我國家列聖相承培養日久聲名文物

隆平縣志

卷之

首源序

三

雖然蔚然藉令文獻不備又何以紀往事而詔來茲乎矧萬歷戊子林侯纂修後垂今幾五十年所時移世易其間忠孝節義不無湮沒水旱稜祥不無缺畧人文漸盛則有事業之可紀風俗日靡則有紛華之當禁至於字畫剝落多亥豕魯魚之訛編次失倫貽掛一漏萬之誦則今日者又釐舊更新之一會也幸我邑侯陳公以大方宿儒來牧吾邑剔蠹釐奸刑清政簡凡所履畫志根真心實意中流出其循蹟俱在民口碑間三年課最後縉紳暨青衿士舉修志愨公再四公乃始任之因以株

集賁余凡煙而較其煩簡正其得失志出公手志成索欽於余余方以虜志奉命督餉朝夕拮据不暇欲又不敢不欽以紀其事是役也公暨林侯輝映後先其造於吾邑豈淺鮮哉當與國乘並垂不朽矣是為欽

隆平縣志

卷之

首源序

四

隆平縣志同修姓氏

纂修

知隆平縣

事袁文煥 崇仁

參閱

教

諭李廷對 蔚州

訓

導王璽 正定

較梓

典

史何兆玉 會稽

編次

甲辰科進

士岳生 變邑人

隆平縣志 卷之首

丙午科舉

人李青巖

戊午科舉

人曹禹勳

辛酉科舉

人張令師

考訂

恩

貢

生趙良兆

恩

貢

生蕭先難

拔

貢

生張懷仁

拔

貢

生鞏澄心

歲

貢

生閻天祥

協修



隆平縣志 卷之首

生

員劉汝翼

經理

戊午科舉

人宋湯駿

癸酉科舉

人宋天成

附

貢

生董鳳舉

候選

千

總李有容

廩

生屈應時

生

員趙文炬

生

員董瞻雲

生

員武炳文

廩

生張前範

增

生趙森

生

生武士立

生

員王之賓

采訪

員趙天桂

附

生張係

增

生楊克果

廩

生馬重會

生

員孟養元

隆平縣志

凡例

一舊志創於明萬歷年間前令林公天秩繼修於崇禎年間陳公所學皆意主於修明然寥寥篇幅不全不備屆今百有餘年未經纂葺換致殘卷大費躊躇致米輯諸書博參史傳拾遺補闕考其信而有微者著之於篇雖志心編序未敢信其詳備然於邑之文獻則不無少補云

一作志分綱立目此定例也陸清獻公靈壽縣志分為十門每門立小序又加論於其後茲志分

隆平縣志 卷之首 凡例

門仍冠小引間立論說或以其事理參差今首頓珠不得不條析斟酌也

一舊志分九門義例錯雜今仿靈壽志分別十門紀事徵實依類附入令猶覽者如親指掌焉

一舊志分野沿革何渠人物志內落蕩數行頗多殘闕今博採增入者十之八九然高悞搜羅未廣不免畧漏

一舊志無封爵今按畿輔通志所載為氏侯賀廣門侯任教皆封爵於此土者也靈壽縣志以封爵冠官師之首茲志從之

爵冠官師之首茲志從之

員程銑龍

員閻元報

員鞏德基

員國必芳

員李俊

員盧希聖

員蘇永清

生國旭瞻

生曹沅

生岳祖武

三

生鞏存心

生曹步午

生鞏元榆

隆平縣志 卷之首

生

生

生

生

生

生

監

監

監

監

監

監

一舊志選舉內牽入孝義道逸節婦又次道逸於節婦之後非志體也今志正之

一舊志學校祠祀僅載寢廟基址今改入建置內共增學校典禮二編皆舊志所未有也

一隆邑地衍民勤而苦於水患故於河渠辨論獨詳今蒞斯土者得所依據以重加經畫焉

一田賦志內止就現在徵收例額逐條載入其歷年增減裁復並詳賦役全書茲不悉載

聖諭廣訓他志多不具載惟恐鄉曲寒畯家無藏書因

隆平縣志

卷之首 凡例

二

謹錄之以備觀省亦風教之一助云

一武備前志未及自雍正二年設立外委一員今

附志於官師

一人物分類紀載原本作史之例舊志雖分而類

敘不合今旁採諸志論其行事參以見聞斟酌

分別以次序列其德行道藝雖同類之中亦有

美善之分焉

一官師人物內有嘉言懿行確然可據者採擇書

之惟現在之人應俟後之論定

一名宦政蹟舊志止存碑文一二其德政可傳者

即於官師志內紀其梗概以志不謬
一藝文志無關於地方人物及詞不雅馴者概置
不錄

隆平縣志

卷之首 凡例

三

隆平縣志目錄

圖

縣城 縣署 學宮 書院 義倉

河渠

第一卷

地里志

分野沿革 疆域 河渠
村庄古蹟 陵墓

第二卷

建置志

城池衙署 文廟 義學 公廨
壇廟附寺觀 橋梁 坊表 倉廩
養濟院 留養局

第三卷

隆平縣志

卷之首 目錄

田賦志

地稅 學田 徵收 留支 工食
鹽引 戶口 積貯 市集 雜稅
土產

第四卷

典禮志

慶典 迎春 祀典 器數 祝文
賓興 鄉飲 起送 風俗

第五卷

學校志

繪音 安設 書籍
飭文 入學 貢法

第六卷

官師志

封爵 令長 知縣 縣丞
典史 教諭 訓導 武職

第七卷

選舉志

徵辟 進士 舉人 貢生 創貢
武進士 武舉 武弁 鄉賓 封

第八卷

人物志

忠烈 名臣 武功 仕蹟 孝友
儒行 隱逸 善行 仗義 列女

第九卷

事紀志

雜記
災祥

第十卷

藝文志

疏 碑記 序 各體詩
表 辨記 說 文

典 職
廢 職


隆平縣志

卷之首 目錄

二

隆平縣志


隆平縣志 圖



隆平縣志

圖

七



隆平縣志卷之一

地里志分野 沿革 疆域 河渠 村庄 古蹟

隆邑地衍民稠川渠控引在漢則封建之邦在唐為興龍之地撫茲彈丸厥稱名勝然介在齊晉之間燕冀之會歷代并分變置無常唐虞以前不可考矣今斷自三代始其間分而為國散而為郡析而為縣厥名五更隸屬不一前志缺然置而弗講茲斟酌諸書旁稽博採備列於左以俟後之君子得以考焉志地里

分野

隆平縣志 卷之一 地里

一

周禮保章氏鄭康成註大梁趙也析木燕也

春秋元命苞昴畢間為天街散為冀州分為趙國

史記天官書東宮尾為九子箕為牧客西宮昴曰

髦頭畢曰罕卑箕幽州昴畢冀州

漢書地里志趙地昴畢分野北有信都真定常山

中山東有廣平鉅鹿清河

晉天文志自胃七度至畢十一度為大梁於辰在

酉趙之分野屬冀州

宋天文志天市垣二十二星東西各列十一星東

垣之第三星曰燕第十星曰趙 又北斗七星

五曰玉衡其分為趙 又五車五星在畢宿北

東北一星主辰為燕趙

天文志胃昴畢大梁也趙冀州分野

山河兩界圖胃昴畢星曰大梁宮曰金牛辰曰西

州曰冀為趙分

隆平縣禹貢冀州之域星分昴畢之間次大梁

酉位麗西皆宿之下見舊志

按周天三百六十五度百七萬九百里徑三

十五萬六千九百七十餘里四正四隅二十

八宿分野合度數道里廣狹論之一郡一邑

隆平縣志 卷之一 地里

二

不足當其一度隆平最爾一區縱橫約百里

舊志云星分昴畢之間次大梁酉位又麗西

皆宿之下計其廣狹迥然殊矣且皆宿居中

位非酉位也趙州在三代為冀州在秦漢為

趙地歷考天官諸書趙州為昴畢分野隆平

屬趙之東南九十里其為昴畢分野無疑未

敢附會也

沿革

夏

冀州地禹貢大陸既作即此

商

冀州地

周

并州地

春秋

晉地周安王二十一年三卿分晉趙始取之

戰國

趙地周顯王二十四年趙武靈王遊大陸即此

秦

秦并天下罷侯置守分天下為三十六郡此地

隆平縣志

卷之一 地里

三

屬鉅鹿郡

西漢

漢高帝始置廣阿縣高后元年封任敖為廣阿

侯邑以廣阿名始此屬鉅鹿郡

東漢

縣省屬鉅鹿郡

魏晉

俱屬鉅鹿郡

後魏

太和十三年復置廣阿縣又於縣置南鉅鹿郡

北齊

天保初避諱曰趙州七年州廢

隋

初郡廢開皇十六年分置樂州仁壽元年改縣

為象城大業初州廢又改縣曰大陸屬趙郡

唐

武德四年復改曰象城天寶元年又改曰昭慶

屬趙州

後五代

隆平縣志

卷之一 地里

四

屬趙州

宋

開皇二年太宗伐劉繼恩下并汾見四無山阜

曠野平衍遂改名隆平縣之得名始此趙州改

為慶源府熙寧元年省為鎮入臨城元祐元年

復置屬趙郡

金

屬沃州

元

屬趙州

明

洪武元年省入栢鄉十四年復置縣隸正定府
永樂初趙州始直隸京師屬縣六曰寧晉隆平
栢鄉高邑臨城贊皇

國朝

順治元年仍舊為趙州屬正定府雍正二年改
趙州為直隸隆為屬邑

疆域

東三十里至鉅鹿縣界

西二十里至栢鄉縣界

隆平縣志

卷之一 地理

南十五里至任縣縣界

北四十里至寧晉縣界

東北至新河縣九十里

東至南宮縣一百二十里

東南至鉅鹿縣六十里

南至任縣五十里

西南至唐山縣十二里

西至臨城縣六十里

西北至栢鄉縣三十五里

北至寧晉縣七十里

五

東西廣五十里

南北袤五十五里

西北至趙州九十里

北至

京師八百三十里

河渠

按隆邑無名山巨鎮四望平曠然大野邑
以此得名舊志載隆平巖壑特起似非本地
面目通志云永堤長鎮新澧環流可以度其
形勝矣

隆平縣志

卷之一 地理

六

大陸既作

禹貢

大陸孫奕云今鉅鹿北廣阿澤也

尚書正義

趙州昭慶縣有大陸澤

杜佑通典

大陸澤 在縣東三十里杜家庄北有大陸處廟

或即其地也舊志託趙王遊此而夢神女有明

大學士石瑤題大陸詩見藝文志

大陸澤 在縣東三十里隋置縣取此圖經云大

陸大麓大河一澤異名

大陸澤受水之處在任縣鉅鹿隆平一帶每水發

時浩淼無際

陸龍其載輔地圖記

大陸澤亦曰廣阿澤自順德府鉅鹿縣流入至寧

晉縣為葫蘆河縣有廣阿大陸之名以此方輿要記

大陸澤一名廣阿澤在任縣土人謂之張家泊元和志

志

大陸澤一名鉅鹿在縣西北五里東西二十里南

北三十里葭蘆菱蓮魚蟹之類充牣其中即南

泊也百泉牛尾野澧沙洛劉累程二寨聖水順

水蔡馬柳林等河咸入焉北有穆家口河洩之

於北泊東有雜爪張澁等五溝洩之於滏河縣

志明宏治時澗水洶洶九河舉發衝決隄防下

隆平縣志

卷之一 地理

七

流隆平縣淤窒壅塞者四十餘里隆平鉅鹿均

被其害而任縣居多嘉靖六年發正定順德二

府夫役同浚之自穆家口至羊毛圪塔四十里

深廣各丈餘水得其性隆鉅復膏壤而任之水

患亦息

本朝順治十八年壘濬日久堙塞而五溝亦淤其三

祇有雜爪張澁不絕如縷有所受而無所洩伏

秋漲溢為瀕澤居民田廬害雍正四年 怡賢

親王奉

查勘委員開穆家口河長四十里挑河之土即以夾

築長堤導澤水而注之北泊其雜爪等溝亦加

疏濬於是水患既除水利亦興邢家灣南邊家

莊北引流植棉營田數百頃見通志

廣阿澤一名大陸一名鉅鹿一名大麓一名沃川

在鉅鹿西北五里寰宇記

廣阿澤亦曰大陸接趙州隆平縣界澹而復流即

寧晉之葫蘆河也方輿要記

廣阿澤即大陸澤 在縣東北三十里與順德府

鉅鹿任縣兩縣接界下連寧晉之葫蘆河

廣阿澤在縣東二十五里爾雅曰晉有大陸廣阿

隆平縣志

卷之一 地理

八

又大陸別名淮南子曰鉅鹿大陸廣阿咸一澤

也元和志

滏陽河 在縣東俗呼清水河自順德府任縣流

經縣界又東至寧晉縣與漳河會流入葫蘆河

滏陽河歷曲周隆平入大陸澤俗呼清水河名勝志

滏陽河自任縣四十里至隆平縣之牛家井又九

十里至寧晉之鋪頭又十里至寧晉之孝口漳

滏遂合流為一磁州志

按滏陽舊於曲周入漳康熙二十三年漳徙

而南至寧晉復與滏陽會

舊澧河在縣東十里唐儀鳳中易度令李元開以
溉田通運今淤塞

新澧河今稱澧陽河舊河淤明嘉靖十六年知縣
王冕改疏於此上下接舊河至青縣入玉河東
至天津入海由天津可達

神京縣治止聞澧陽之名而一統志載隆平有澧水

及問所謂澧水不知也豈二水合流民但知有

澧水而不知有澧水耶按澧陽源出磁州而漳

水百泉泚水俱洩而入澧澧不能受勢必泛溢

隆東西皆為水國地之高者僅得積麥春二月

隆平縣志 卷之一 地里 九

高不得耕民之苦於河患有如此見舊志

老僧河在縣東北六里下流入槐武河相傳有老

僧尋水至此以杖草地泉湧成溪故名名勝志

神泉河在縣北五里一名百泉猷澮相通澮則洩

水旱則灌田

泚河在臨城縣西北二十五里源出本縣款輿山

東南流合沙河入順德府內邱縣界又自順德

府唐山縣流入隆平縣入澧陽河

泚河源出元氏封龍山每秋雨霰則泛溢自臨城

過唐山經縣南魏家庄至邢家灣入澧河康熙

七年水泛壅奔潰不由故道復徙唐山官庄起
經縣北五里至黃家庄村南出境入寧泊

槐武河即槐午河在縣北三十里王橋村即相卿
縣野河之別流也亦曰沙河由縣東北注寧晉

縣葫蘆河

槐武河在縣北即野河也亦曰沙河自相卿縣流

經此又東北入寧晉縣方輿要記

澧水在縣東十里源自漳河分流經縣界與沙河

水合入葫蘆河見府志

小泊在縣東北七里

隆平縣志 卷之一 地里 十

蓮花池在縣東北八里舊泚水所注生蓮今成隴

畝

神槐口在泚河上流地屬唐山明天啟六年口決

水泛溢於隆平之西北平地皆成巨浸秋木盡

沒明天啟七年知縣陳所學偕邑紳冀如龍鳩

工修築長五百步廣厚堅固越三月而工成民

獲柿種見舊志

東城水口在城牆脚下昔人穿此以防水患康熙

七年城外水溢從水口衝入城中邑人極力堵

塞數十餘年漸泯其跡乾隆二十六年秋雨如